

Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 422;
fax. +387 33 726 423
e – mail: info@voda.ba

Broj: **UP-1/21-3-40-080-3/25**

Datum: **14.03.2025. godine**

„Agencija za vodno područje rijeke Save“ Sarajevo rješavajući po zahtjevu pravnog lica „Baumit Kamen“ d.o.o. Sarajevo za donošenje rješenja o vodnoj dozvoli za ispuštanje tehnoloških otpadnih voda i aktivnosti koje mogu imati specifične uticaje na vode sa lokacije prostora površinskog kopa-kamenoloma „Plješevac“, općina Kiseljak, na osnovu člana 139. stav (1) tačke 3. i 10. Zakona o vodama („Sl. novine Federacije BiH“, br. 70/06) i člana 200. stav (1) Zakona o upravnom postupku („Sl. novine Federacije BiH“, broj 2/98, 48/99 i 61/22), donosi

RJEŠENJE
o vodnoj dozvoli

1. Pravnom licu „Baumit Kamen“ d.o.o. Sarajevo daje se vodna dozvola za ispuštanje tehnoloških otpadnih voda i aktivnosti koje mogu imati specifične uticaje na vode sa prostora površinskog kopa „Plješevac“, na zemljištu označenom kao k.č. broj: 2708 i 2589 K.O. Kuliješ, općina Kiseljak.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Rješenje o vodnoj dozvoli je doneseno na osnovu pregleda dokumentacije kojom raspolaže podnosilac zahtjeva, izvršenog uviđaja i utvrđenog činjeničnog stanja na objektu i pod slijedećim uslovima:
 - 3.1. Da se upotreba i korištenje predmetnih objekata vrši u skladu sa njihovom prirodom i namjenom te u skladu sa uslovima iz ove vodne dozvole.
 - 3.2. Da se objekti čija je svrha odvođenje i prečišćavanje tehnoloških otpadnih voda (tipski separatori ulja, masti i naftnih derivata, slivnici, rešetke, kanali, šahtovi, drenažne cijevi, ivičnjaci, rigoli, betonski taložnik, kanalizaciona mreža i dr.) redovno održavaju i koriste na način koji će obezbijediti njihovu potpunu ispravnost i funkcionalnost.
 - 3.3. Da korisnik predmetnih objekata, za vrijeme trajanja ove dozvole, obezbjeđuje da se tehnološke otpadne vode i oborinske onečišćene vode sa prostora površinskog kopa-kamenoloma „Plješevac“, općina Kiseljak nesmetano sakupljaju i odvođe do objekata predviđenih za tretman tehnoloških otpadnih voda i oborinskih onečišćenih voda, a zatim ovako tretirane vode preko monitoring okana ispuštaju u – vododerinu.
 - 3.4. Da se redovno vrši monitoring prečišćene otpadne vode iz okana za monitoring shodno članu 19. i 20. Uredbe o uslovima ispuštanja otpadnih voda u okoliš i sisteme javne kanalizacije, te pojedinačne i zbirne godišnje izvještaje dostave Agenciji u skladu sa odredbama iste.
 - 3.5. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaju i načinu davanja ovlasti („Službene novine Federacije BiH“, broj 14/10, 14/13, 26/14, 15/17, 23/17 i 41/20).
 - 3.6. Prečišćene otpadne vode, prije ispuštanja u recipijent, moraju ostati u maksimalno dopuštenim granicama definisanim u Prilogu 27. Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, broj 26/20, 96/20, 1/24), a ukoliko Vlada Srednjobosanskog kantona propiše dodatne (strožije) uslove za ispuštanje otpadnih voda u površinske vode, od uslova definisanih u Prilogu 27. Uredbe o uslovima ispuštanja otpadnih voda u okoliš i sisteme javne kanalizacije, podnosilac zahtjeva je u obavezi iste zadovoljiti.
 - 3.7. Da korisnik poslovnog objekta bušenje i miniranje stijenske mase radi kontrolisano po projektu te da minerske radove može vršiti isključivo ovlašteno minersko društvo.

- 3.8. Da se eksploatacija mineralne sirovine na površinskom kopu „Plješevac“, općina Kiseljak vrši isključivo u skladu sa odobrenim (verifikovanim) rudarskim projektom tj. u skladu sa Zakonom o rudarstvu („Službene novine Federacije BiH“ broj 26/10) i drugim pratećim provedbenim propisima, tj. podzakonskim aktima koji tretiraju ovu oblast.
- 3.9. Korisnik objekta je obavezan pridržavati se svih mjera i uslova propisanih u saglasnostima i dozvolama izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
- 3.10. Da se, u skladu sa propisima iz oblasti zaštite okoliša, vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
- 3.11. Sadržaj (mulj) iz postrojenja za prečišćavanje otpadnih voda i ostali otpad ne smije se odlagati na česticu „vodno dobro“, odnosno u vodotoke i na njegove obale.
- 3.12. Da se istrošena ulja, nauljene krpe i sav opasan otpad koji će nastati na prostoru površinskog kopa-kamenoloma „Plješevac“ prikuplja i propisno, privremeno skladišti u metalne spremnike, do krajnjeg, ekološki prihvatljivog zbrinjavanja od strane ovlaštene organizacije, a prema sačinjenom ugovoru.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog privrednog kompleksa obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
6. Ukoliko radom predmetnog privrednog kompleksa za koji se izdaje ova vodna dozvola dođe do promjene režima površinskih i podzemnih voda, a te promjene prouzrokuju štete ma kakvog karaktera, korisnik objekta je dužan uzroke štete otkloniti, a nastale štete nadoknaditi.
7. U periodu važenja ove dozvole, pravno lice je dužno provoditi sve mjere i aktivnosti propisane istom.
8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. Prije isteka važnosti ove dozvole korisnik je dužan da podnese zahtjev za izdavanje nove vodne dozvole.
10. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina od dana pravosnažnosti ovog rješenja.
11. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice „Baumit Kamen“ d.o.o. Sarajevo, dana 24.02.2025. godine podnio je zahtjev za izdavanje Rješenja o vodnoj dozvoli za ispuštanje tehnoloških otpadnih voda i aktivnosti koje mogu imati specifične uticaje na vode sa lokacije prostora površinskog kopa-kamenoloma „Plješevac“, općina Kiseljak.

U provedenom postupku dostavljena je i pregledana sljedeća dokumentacija:

- Aktuelni izvod iz sudskog registra, 065-0-RegZ-24-011262 od 10.09.2024. godine izdat od strane Općinskog suda u Sarajevu – ovjerena kopija,
- Uvjerenje o registraciji/upisu u Jedinstveni registar obveznika neizravnih poreza, broj: 04/1-17-1-UPJR/1-549-2/18 od 18.04.2018. godine izdato od strane Uprave za indirektno-neizravno oporezivanje Banja Luka - ovjerena kopija,
- Punomoć podnosioca zahtjeva, broj:29/25 od 18.02.2025. godine,
- Rješenje o okolišnoj dozvoli za kamenolom „Plješevac“, općina Kiseljak, broj: UP-I 05/2-23-11-244/19 od 10.03.2020. godine izdato od strane Federalnog ministarstva okoliša i turizma – kopija,

- Rješenje o vodnoj dozvoli, broj: UP-I/25-3-40-110-6/20 od 21.05.2020. godine izdato od strane Agencije za vodno područje rijeke Save, Sarajevo – kopija,
- Akt broj: 05/2-19-5-123/25 od 26.02.2025. godine izdat od strane Federalnog ministarstva okoliša i turizma – kopija,
- Ugovor, broj: 48/20 od 06.08.2020. godine sklopljen sa „Inspekt RGH“ d.o.o. Sarajevo – kopija,
- Ugovor, broj: 897/2020 od 30.11.2020. godine sklopljen sa „Aida Commerce“ d.o.o. Sarajevo sa transportnom dokumentacijom od 16.08.2024. godine – kopija,
- Ugovor o koncesiji, broj: 61/02 od 27.09.2002. godine potpisan sa Ministarstvom gospodarstva/Ministarstvom privrede Srednjobosanskog kantona – kopija,
- Historijski izvod iz sudskog registra, broj: 065-0-RegZ-24-010845 od 06.09.2024. godine izdat od strane Općinskog suda u Sarajevu – kopija,
- Izvještaj o monitoringu kvaliteta i kvantiteta otpadnih voda kamenoloma „Plješevac“, Kiseljak, „Baumit Kamen“ d.o.o. Sarajevo urađen od strane „Inspekt RGH“ d.o.o. Sarajevo, broj: 91/24, maj 2024. godine - kopija,
- Izvještaj o monitoringu kvaliteta i kvantiteta otpadnih voda kamenoloma „Plješevac“, Kiseljak, „Baumit Kamen“ d.o.o. Sarajevo urađen od strane „Inspekt RGH“ d.o.o. Sarajevo, broj: 2417/24, novembar 2024. godine - kopija,
- Dokaz o uplaćenju federalnoj upravnoj pristojbi na zahtjev.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 12. stav 5. i 6. Pravilnika o sadržaju, obliku, uvjetima i načinu izdavanja i čuvanja vodnih akata („Službene novine Federacije BiH“ broj: 31/15, 55/19, 41/20, 63/22) izvršen je uvidaj i tom prilikom sačinjen Zapisnik o izvršenom uvidaju broj:UP-1/21-3-40-080-2/25 od 12.03.2025. godine.

Na osnovu dostavljene dokumentacije i izvršenog uvida na licu mjesta utvrđeno je sljedeće:

- Kamenolom „Plješevac“ nalazi se na području Općine Kiseljak, na prostoru naselja Tulica i Azapovići. Ukupna površina istražno–eksploatacionog prostora iznosi 19,25 ha. Na površinskom kopu-kamenolomu „Plješevac“ vrši se eksploatacija mineralne sirovine dolomita.
- Aktivnosti se obavljaju na tri etaže i to:
 - na prvoj etaži nalazi se upravna zgrada u sklopu koje u smješteni slijedeći sadržaji: prostor za smještaj radnika, radionice za servisiranje mehanizacije, magacinski prostori, kancelarijski prostori, mokri čvorovi. U nastavku, u nizu instalirana je interna benzinska pumpa sa ukopanim dvoplašnim čeličnim rezervoarima ($V=15,0\text{ m}^3$ i $V=10,0\text{ m}^3$) sa natkrivenim i ograđenim skladišnim prostorom za ulja i maziva, prenosno skladište-magacin eksplozivnih sredstava-ne koristi se, taložni bazen oborinskih voda, separatori ulja i masti.
 - na drugoj etaži vrši se separacija mineralne sirovine suhim postupkom. Separisana mineralna sirovina (različite frakcije) odlaže se u betonske boksove.
 - na trećoj etaži vrši se eksploatacija mineralne sirovine.
- Pravno lice „Baumit Kamen“ d.o.o. Sarajevo izgrađene objekte za prikupljanje, transport, tretman i ispuštanje tehnoloških otpadnih voda (izgrađeni po projektnoj dokumentaciji: Glavni projekat vanjskog uređenja, prikupljanja i tretmana tehnoloških i oborinskih otpadnih voda za prvu etažu površinskog kopa Plješevac, urađen od strane „Ipsa Institut“ d.o.o. Sarajevo, januar 2015. godine): slivnici, rešetke, kanali, šahtovi, drenažne cijevi, ivičnjaci, rigoli i dr. uključujući i tipski separator ulja, masti i naftnih derivata, $Q=50\text{ l/s}$ koji je usklađen sa zahtjevima norme BAS EN 858 (proizvođač Group plastika EKO, Osijek, RHrvatska) na kojem se tretiraju sve vode koje gravitiraju i koje nastaju na radno-manipulativnom prostoru prve etaže te ugrađeni tipiski separator ulja, masti i naftnih derivata $Q=1,0\text{ l/s}$ koji je usklađen sa zahtjevima norme BAS EN 858 (Aquareg NG-1, proizvođač „Regeneracija“ d.o.o. Velika Kladuša) na kojem se tretiraju vode sa prostora istakališta nafte-interne benzinske crpke, te izgrađeni betonski taložnik dimenzija cca $10,0 \times 3,0 \times 1,5\text{ m}$ na najnižoj tački se održavaju u funkcionalnom stanju. Tretirane vode se ispuštaju u vododerinu.
- Na prostoru druge i treće otkopne etaže vrši se eksploatacija i prerada mineralne sirovine. Sve vode sa otkopnih etaža i radno manipulativnih površina II (odvodi, šahtovi, drenaža) i III-će etaže se skupljaju putem izgrađenih kanala i kanalice i odvođe do taložnika na I etaži. Na prostoru II i III etaže ne vrši se pretakanje nafte i naftnih derivata, popravka mehanizacije niti druge slične aktivnosti.

- Monitoring kvaliteta i kvantiteta otpadnih voda, po ugovoru radi „Inspekt-RGH“ d.o.o. Sarajevo. Prema rezultatima analiza nisu utvrđeni parametri koji prekoračuju dozvoljene vrijednosti propisane Uredbom o uslovima ispuštanja otpadnih voda u prirodne recipijente i sisteme javne kanalizacije.
- Snabdijevanje vodom za zadovoljenje sanitarnih potreba uposlenika riješeno je kaptiranjem izvora.
- Zbrinjavanje sanitarno-fekalnih voda vrši se u septičkoj jami, bez preliva. Čišćenje iste vrši „Aida Commerce“ d.o.o. Sarajevo.
- Investitora „Baumit Kamen“ d.o.o. Sarajevo posjeduje Ugovor o koncesiji za istraživanje i eksploataciju mineralne sirovine dolomita, broj: 04-18-736/02 od 27.09.2002. godine potpisan sa Ministarstvom gospodarstva/Ministarstvo privrede Srednjobosanskog kantona/Županija Središnja Bosna.
- Od nadležnog Federalnog ministarstva okoliša i turizma izdata je okolinska dozvola, sa rokom važenja do 10.03.2025. godine. Od nadležnog Federalnog ministarstva dobijen je Odgovor broj: 05/2-19-5-123/25 od 26.02.2025. godine u kojem je navedeno da po Zakonu o zaštiti okoliša za navedenu aktivnost nije potrebno pribaviti okolinsku dozvolu.
- Pravno lice je potpisalo Ugovor sa „Aida Commerce“ d.o.o. Sarajevo za čišćenje separatora i odvozu otpadnog mulja, taloga i ostalog zauljenog otpada.
- U prethodnom periodu od dana izdavanja rješenja o vodnoj dozvoli pravno lice „Baumit Kamen“ d.o.o. Sarajevo na lokaciji prostora površinskog kopa-kamenoloma „Plješevac“, općina Kiseljak nije vršilo dogradnju sistema prikupljanja, tretmana i ispuštanja tehnoloških otpadnih voda.

Na osnovu dostavljene dokumentacije i utvrđenog činjeničnog stanja, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodnom dozvolom propisani uslovi u skladu sa odredbama člana 116. Zakona o vodama i članova 12. i 13. Pravilnika o sadržaju, obliku, uslovima, načinu izdavanja i čuvanja vodnih akata i Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16).

Na osnovu provedenog postupka konstatuje se da je podnosilac zahtjeva „Baumit Kamen“ d.o.o. Sarajevo ispunio minimum uslova za izdavanje vodne dozvole za ispuštanje tehnoloških otpadnih voda i aktivnosti koje mogu imati specifične uticaje na vode sa lokacije prostora površinskog kopa – kamenoloma „Plješevac“, općina Kiseljak, te je riješeno kao u dispozitivu ovog Rješenja.

Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi („Službene novine Federacije BiH“, broj 06/98, 8/00, 45/10 i 43/13).

Uputa o pravnom lijeku:


Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15.0 KM administrativne takse, prema tarifnom broju 3. Tarife federalnih administrativnih taksi.

Voditelj postupka:

mr.sc. Selma Merdan, dipl.inž.geol.

Po ovlaštenju
Rukovodilac sektora za izdavanje vodnih akata


Nihad Pezo, dipl.inž.građ.

Dostaviti:

- „Baumit Kamen“ d.o.o.
- Osik br.2b, 71210 Ilidža,
- ⊕ AVP Sava, ISV-vodna knjiga
- sektor 50
- sektor 40 – arhiva
- oglasna ploča – AVP Sava